

四庫全書

集部

欽定四庫全書

張燕公集卷六

唐 張說 撰

雜詩

送趙二尚書彥昭北伐

虜地河水合邊城備此時兵連紫闕路將舉白雲司
提劍榮中賞銜珠盛出師日華光組練風色焰旌旗投
筆樽前起橫戈馬上辭梅花吹別引楊柳賦新詩

送郭大夫元振再使吐蕃

犬戎廢東獻漢使馳西極長策問酋渠猜阻自夷殲客
髮徂邊歲旌裘敵海色五年一見家妻子不相識武庫
兵猶動金方事未息遠圖待才智苦節輸筋力脫刀贈
分手書帶加餐食知君萬里侯立功在異域

送鄭大夫惟忠從公主入蕃

鳳吹遙將斷龍旗送欲還傾都邀節使傳酌緩離顏春
磧沙連樹秋城月對關和我應賞魏定遠莫辭班

送李侍郎迴秀薛長史季昶同賦水字

漢郡接胡庭幽并對烽壘旌旗按部曲文武惟卿士薛
公善籌畫李相威邊鄙中冀分兩河長安各萬里籍馬
黃花塞蒐兵白狼水勝敵在安人為君汗青史

送趙頤真郎中赴安西

絕鎮功難立懸軍命匪輕復承遷相後珍重任賢情將
起神仙地才稱禮樂英長心堪繫虜短語足論兵日授
休門法星教置陳名龍泉恩已署鷺領相終成月窟窮

天遠河源入塞清老夫操別翰承旨頌升平

送崔二長史日知赴潞州

東山懷卧理南省悵悲翁共見前途促何知後會同
莫輕一筵晏明日半成空况爾離庭闕思歸迷夢中

同賀八送充公赴荊州

疇昔同聲友驚飛出鳳池風雲一蕩薄日月屢參差
此別黃葉下前期安可知唯憐楚南樹不為歲寒移

送高唐州

常時好閒獨朋舊少相過及爾宣風去方嗟別日多淮
流春婉晚江海路蹉跎百歲屢分散歡言復幾何

送蘇合宮頤

都邑輦方首商泉舊俗訛變風須愜悌成化佇絃歌疇
昔珪璋友雍容文雅多振纓遊省闈鏘玉宰京河別曲
鸞初下行軒雉尚過百壺非餞意流詠在人和

送王駿自羽林赴永昌令

將星移北洛神雨避東京為負剛腸譽還追強項名白

雲向伊闕黃葉散昆明多謝絃歌宰稀聞桴鼓聲

同王僕射山亭餞岑廣武義得言字

聞道長岑令奮翼宰旅門長安東陌上送客滿朱軒
琴爵留佳境山池借好園茲遊恨不見別後綴離言

送喬安邑備

書閣移年歲丈朋難復辭歡言冬雪滿恨別夏雲滋
外尹方為政高明自不欺老人驂馭往童子狎雛嬉
日茂西河俗寂寥東觀期遙懷秀才令京洛見新詩

送任御史江南發糧以賑河北百姓

河朔人無歲荆南義廩開將興泛舟役必借濟川才花
月臨江浦春雲立楚臺調饑坐相望繡服幾時迴

送王尚一嚴嶷二侍御赴司馬都督軍

漢掖通沙塞邊兵護草腓將行司馬令助以鐵冠威白
露鷹初下黃塵騎欲飛明年春酒熟留酌二星歸

送李問政河北簡兵

斗酒貽朋愛踟躕出御溝依然四牡別更想八龍遊客

親仕燕冀連年適寇讎因君閱河朔垂淚語幽州

送薛植入京

青組言從史鴻都忽見求款言人向老飲別歲方秋髣髴長安陌平生是舊遊何時復相遇宛在水中流

送宋休遠之蜀任

求友殊損益行道異窮申綴我平生氣吐贈薄遊人結恩事明主忍愛遠辭親佳麗成都俗膏腴蜀水濱如何從宦子堅白共緇磷日月千齡旦河山萬族春懷鉛書

瑞府橫草事邊塵不及安人吏能令王化淳

送梁知微渡海東

今日此相送明年此相待天上客星迴知君渡東海

別平一師

王子不事俗高駕眇難追茅土非屑盼傾城無樂資晏
坐深林中三世同一時皎皎獨徃心不為塵網欺竭來
已復去今去何來思迴首謝同行勤會安清期

送武員外郎中春赴秀師嵩山塔下舍利

懷玉泉戀仁者寂滅真心不可見空留影塔巖高下寶
玉四海轉千輪金壘百粒送分身山中二月娑羅會虛
唄遙遙愁思人我念過去微塵劫與子禪門同正法雖
在神仙蘭省間常持清淨蓮花葉來亦好去亦好了觀
車行馬不移當見菩提離煩惱

送尹補闕元凱琴歌

公善琴

鳳哉鳳哉啄琅玕飲瑤池栖崑崙之山哉中國有聖人
感氣飛來飛來自歌自舞先王冊府騏驎之臺羈雌衆

雛故山曲其鳴喈喈其鳴喈喈欲往銜之欲去來去別
驚鳳心徘徊明年阿閣梧桐花葉開羣飛鳳歸來羣飛
鳳歸來

送王光庭

同居洛陽陌經日嬾相求及爾江湖去言別悵悠悠楚
雲眇羈翼海月倦行舟愛而不可見徒嗟芳歲流

新都南亭送郭大元振盧崇道

行徑女蘿溪蓮洲文石隄靜深人俗斷尋玩往還迷碧

潭秀初月素林驚夕栖褰幌納蟾影理琴聽猿啼佳辰
改宿昔勝寄坐睽攜長懷賞心愛如玉復如珪

相州前池別許鄭二判官景先神力

數步圓塘水雙鴻戢羽儀一飛喬木上一返故林垂澹
泊含秋景虛明抱夜規無因留絕翰雲海意差池

岳州宴別潭州王熊

絲管清旦哀一曲傾一盃氣將然諾重心向友朋開古
木無生意寒雲若死灰贈君芳杜草為植建章臺

縉雲連省閣溝水遽西東然諾心猶在容華歲不同孤
城臨楚塞遠樹入秦宮誰念三千里江潭一老翁

附奉答張岳州

王熊

長沙辭舊國洞庭逢故人薰蘭敦久要披霧轉相親歲
月方嗟老江山不惜春忽聞黃鶴曲更作白頭新
平生共風月倏忽間山川不期交淡水暫得款忘年興
逸方罷釣帆開欲解船離心若危旆朝夕為君懸

附余昔忝省閣與岳州張使君潭州都督同官聯

事後承朝譴各自東西張公與王都督別詩二
首情頗殷切余覽以耿歎因遙申和云

韋嗣立

茂先王佐才作牧楚江隈登樓正欲賦復過仲宣米黃
鵠飛將遠雕龍文為開寧知昔聯事聽曲有餘哀
昔時陪二賢纓冕會神仙一去馳江海相連共播遷無
因千里駕忽覩四愁篇覽諷歡何已歡從徒愴然

岳州別王十一趙公入朝

昔濫貂蟬長同承雨露
霏今參魚鼈守望美洞庭歸浦
樹懸秋影江雲燒落輝
離魂似征旆恒往帝鄉飛

附
奉別燕公

王 琚

五載朝天子三相逢
舊寮扁舟方輟棹清論遂終朝
遠樹烟間沒長江地際遙
帝城馳夢想歸帆滿風飈

岳州別梁六入朝

遠莅長沙渚欣逢賈誼才
江山疲應接風日復晴開江
樹雲間斷湘山水上來近洲
朝鷺集古戍夜猿哀岸杼

含蒼抹河蒲秀紫臺月餘偏地賞心盡故人盃自我違
京洛嗟君此沂洄容華因別老交舊與年顏夢見長安
陌朝宗實盛哉

附 奉別燕公

梁知微

華容佳山水之子厭承明符竹迂小郡江湖被澤聲三
年計吏入路指巴丘城鳧舟纔結纜騶駕已相迎別離
他鄉酒委曲故人情孤嶼早烟泊長波晚氣清辛勤方
遠驚勝賞屢難并迴瞻洞庭浦日暮愁雲生

送梁六自洞庭山作

巴陵一望洞庭秋，日見孤峰水上浮。
聞道神仙不可接，心隨湖水共悠悠。

廣州蕭都督入朝適岳州宴餞

得冬字韻

孤城抱大江，節使往朝宗。
果是臺中舊，依然水上逢。
京華遙比日，疲老颯如冬。
竊羨能言鳥，銜恩向九重。

婚禮知無賀，承家歎有輝。
親迎驥子躍，吉兆鳳雛飛。
溫席開華扇，梁門換紫衣。
遙思桃李日，應賦采蘋歸。

嶺南送使 三首

秋雁逢春返流人何日歸將予去國淚灑子入鄉衣饑
犬啼相聚愁猿喘更飛南中不可問書此是京畿
獄中生白髮嶺外罷紅顏古來相送處凡得幾人還
萬里投荒裔來時不見親一朝成白首省取報家人

南中別王陵成崇

握手與君別岐路贈一言曹卿禮公子楚媼饋王孫
倏爾生六翮翻飛戾九門常懷客鳥意會谷主人恩

石門別楊六欽望

燕人同竄越萬里自相哀
影響無期會江山此地來
暮年傷汎梗累日慰寒灰
潮水東南落浮雲西北迴
俱看石門遠倚棹兩悲哉

端州別高六戩

異壤同羈竄途中喜共過
愁來時舉酒勞罷或長歌
南海風潮壯西江瘴癘多
於焉復分手此別傷如何

南中別蔣五向青州

老親依北海賤子棄南荒有淚皆成血無聲不斷腸此
中逢故友彼地送還鄉願為楓林葉隨君渡洛陽

南中別陳七季十

二年共遊處一旦各西東請君聊駐馬看我轉征蓬畫
鵲愁南海離駒思北風何時侶春鴈雙入上林中

南中送使 二首

傳聞合浦葉曾向洛陽飛何日南風至還隨北使歸紅
顏渡嶺歇白首對秋衰高歌何由見層堂不可違誰憐


炎海曲淚盡血霑衣

待罪居重譯窮愁暮雨秋山臨鬼門路城繞瘴江流人
事今如此生涯尚可求逢君入鄉縣傳我念京周別恨
歸途遠離言暮景邁夷歌翻下淚蘆酒未消愁聞有胡
兵急深懷漢國羞和親先是詐款塞果為讎釋繫應分
爵蠲徒幾復侯廉頗誠未老孫叔且無謀若道馮唐事
皇恩尚可收

欽定四庫全書

引經公集
卷六

七



張燕公集卷六

欽定四庫全書

集部

張燕公集卷

七至十二

詳校官侍郎

臣謝墉

檢討臣何思鈞覆勘

總校官編修

臣王燕緒

校對官主事

臣陳

墉

謄錄監生

臣謝

雲

欽定四庫全書

張燕公集卷七

唐 張說 撰

雜詩

贈崔公

我聞西漢日四老南山幽長歌紫芝秀高卧白雲浮朝
野光應絕榛蕪年貌秋一朝驅馬連轡入龍樓昔避
高皇去今從太子遊行歲唯聖節福禍在人謀卒能匡

惠帝豈不賴留侯事隨年代遠名與圖籍留平生飲淳
德慷慨景前修蚌蛤同陰兔蛟龍望斗牛無嗟異飛伏
同氣幸相求

留贈張御史張判官

旅竄南方遠傳聞北使來舊庭知玉樹合浦識珠胎白
髮因愁改丹誠託夢迴皇恩若再造為憶不然灰

贈高六戩

北極辭明代南溟宅放臣丹誠由義盡白髮帶愁新烏

墮炎洲氣花飛洛水春平生歌舞席誰憶不歸人

贈廣平公宋大

亞相本時英歸來復國禎朝推長孺直野幕隱之清傳
節還閩障皇恩入漢京寧思江上老歲宴蹇無成

贈趙公

湘東股肱守心與帝鄉期舟楫中途蹇風波復來思嘉
我常聯翼金貂侍玉墀跡參前馬聖名綴鬻熊師寒暑
一何速山川遠間之寧知洞庭上獨得平生時精義微

欽定四庫全書

張翥公集
卷七

絕簡從權討妙基林壑為予請紛藹發華滋流賞忽已
散驚帆杳難追送君在南浦佗僚投此詞

附
奉答燕公

王 琚

誰道零陵守東過此地遊友寮同省閣昆弟接荊州我
逐江潭雁君隨海上鷗屢傷神氣阻久別鬢毛秋疑嶺
春應遍陽臺雨欲收主人情未盡高駕少淹留

語別意淒淒零陵湘水西佳人金谷返愛子洞庭迷舊
館逢花發他山值鳥啼江天千里望惟見綠蘋齊

贈趙侍御

祿放跡異端偏荒事同蹇苟忘風波累俱會雲壑踐險
式壓西湖橋廬對南峴夜樓江月入朝幌山雲卷山勢
遠濤連江途斜漢轉坐嘯予多暇行吟子獨善並轡躡
郊郭方舟玩遊演虛聲萬籟分水色千里辨不知岸陰
謝再見春露泣綠壤發欣顏華年助蟲篆上世時難接
古人情可選泊渚煩為媒多才怨成編長沙鵬作賦任
道可知淺請從三已心榮辱兩都遣

伯奴邊見歸田賦因投趙侍御

爾家歎窮鳥吾族賦歸田
莫道榮枯異同嗟世網牽黃
陵浮汨渚青草會湘川去國逾三歲茲山老二年寒鴉
鳴舍下昏虎卧籬前客淚堪斑竹離憂欲贈荃放言久
無次觴興感成篇

附

奉酬見歸田賦垂贈之作

趙冬曦

窮鳥嬰籠綴孤飛任播遷
鵲王佐用復此挫冲天楚
雲何掩鬱湘水亦迴遑
懷哉愧木鴈忽爾枉蘭荃
愈疾

同枚叔銷憂比仲宣歸途書可畏弱操石猶堅覆載雖
云廣潯陽直塊然

翻著葛巾呈趙尹

岳州作

昔日接離倒今我葛巾翻宿酒何時醒形骸不復存忽
聞有嘉客躡步出閒門桃花春徑滿誤識武陵源

附

同前

趙冬曦

美酒值芳春醒餘氣益真降歡時倒屣乘興偶翻巾徐
榻思方建莊車理自均傲然歌一曲一醉濯纓人

偶遊龍門北溪忽懷驪山別業呈諸留守

幽谷杜陵邊風煙別幾年
偶來伊水曲溪嶂各依然
傍浦憐芳樹尋崖愛綠泉
嶺雲隨馬足山鳥向人前
地合心俱靜言因理自玄
短才叨重寄尸祿媿妨賢
每揖挂冠侶思從初服旋
稻粱仍欲報歲月坐空捐
助岳無纖芥輸溟謝未涓
還悟北轅失方茲南澗田

奉酌龍門北溪作

石澗泉虛落松崖路屈迴
聞君北溪下想像南山隈
近

念昂門別遙思雲障陪不同奇觀往空觀斯文來歲後
寒初變春芳前未開黃蕤裊岼柳紫萼拆春梅盡室茲
遊玩盈門幾樂哉嗟遊洛陽陌夢詣建章臺野失巢由
性朝非元凱才布懷欽遠迹幽意日塵埃

附

同前

崔泰之

關塞臨伊水驪山枕灞川俱臨隱路側同在帝城邊謝
公兼出處攜妓玩林泉鳴雛噴梅雪飛蓋曳松烟聞琴
幽谷裏看傳古巖前落月低幃帳歸雲繞管絃叨榮慚

北闕微尚愛東田寂寞灰心盡蕭條塵事捐朝思登絕
斷夜夢弄潺湲宿懷南澗意況覩北巖篇

附
同前

崔日知

夙齡秉微尚中年忽有隣以茲山水癖遂得狎通人迨
我南京道聞君北業新巖前窺石鏡河畔踏芳茵既憐
伊浦淥復憶灞池春連詞謝家子同歡冀野賓聚閒魚
共樂情洽鳥來馴誰念昔遊者祇命獨留秦蕭條潁陽
戀冲漠漢陰真無由陪勝躅空此玩書筠

附

同前

魏奉古

有美朝為貴幽尋地自偏
踐臨伊水內想望灞池邊
是遇皆新賞茲遊若舊年
藤蘿隱路接楊柳御溝聯
道愜神情王機忘俗理捐
遂初誠已重兼濟實為賢
跡是東山戀心唯北闕懸
願慙經拾紫多謝賦思玄
未躡中林步空乘上藻傳
陽春和已寡扣寂竟徒然

附

僕自湯還都經龍門北溪莊宿張左丞崔禮部
崔光祿並枉垂光顧數公宿敦道義雅尚林壑

謂急於幽尋故此命駕遂不知別有勝賞偶然
相過寒暄未周神意已往雲霞之致蔑而不存
逸轡放驅清塵徒企耿歎不已而贈是詩

韋嗣立

棲閒有愚谷好事枉前軒樹接前驅擁巖傳後騎喧
簾出野院植杖候柴門既拂林下席仍攜池上樽深期
契幽賞實謂展歡言末眷誠未易佳時遊更敦俄看嘯
傳侶各已共飛騫近睇盡朝目長懷通夜魂空聞岸竹

動徒見浦花繁多愧春鶯曲相承意獨存

酌韋祭酒自湯還都經龍門北溪見贈

聞君湯井至瀟洒憩郊林拂曙攜清賞披雲覲綠岑
歡言遊覽意款曲望歸心是日期嘉客同山忽異尋
桃源花路轉楊柳間門深汎舟伊水漲繫馬香樹陰
繁絃弄水族嬌吹狎沙禽春滿汀色媚景斜嵐氣侵懷
仁殊未遠重德匪轉臨來藻敷幽思連詞報所欽

冬日述懷奉呈韋祭酒張左丞蘭臺名賢崔日知

弱齡好經籍披卷即怡然覃精四十載馳騁數千言孔
壁採遺篆周章考絕編遠公論劍術孫子叙兵篇魯史
君臣道姬書日月懸從師改炎燠負笈遍山川上異西
河夏中非北海玄光榮拾青紫名價接通賢既重萬鍾
樂寧思三頃田長戟同分虎高冠亞附蟬晚懷重虛曠
養志息雕鐫登高慙思拙匠物謝情奸不慕張平子寧
希王仲宣誰為登龍日翻成刻鶴年循循勞善誘軋軋
思微牽琢磨才既竭鑽仰德彌堅朽木誠為諭捫心徒

自憐終期吞鳥夢振翼上雲煙賦成先擲地詞高直挾
天更執樞衣禮仍開函丈筵露披槐市藹水靜壁池圓
願逐從風葉飛舞翰林前

酬崔光祿冬日述懷贈答

并序

太極殿衆君子分司洛城自春涉秋日有遊討既而韋
公出守茲樂便廢頃因公讌方接詠言崔光祿述志論
文首貽雅唱諸公嘉德敘事咸有報章若夫盛時榮位
華景勝會此四者古難一遇而我輩比實兼之至於精

言探道妙識發義戲謔而逢規戒指諷而見師表益過
三友豈易得乎謂膏澤旁潤芝蘭久襲韋公近之矣以
文會友以友輔仁崔公近之矣其餘尋聲響答望形影
赴故亦峻碧池之漣漪增瑤林之沃若是用綴集勒成
一卷永存几閣之玩無忘歡好之時焉

徐陳嘗並作枚馬亦同時各負當朝譽俱承明主私夫
君邁前侶觀國騁奇姿山似鳴威鳳泉如出寶龜才雄
子雲筆學廣仲舒帷紫綬拂三寺朱門臨九達昔我含

香日連爾縉雲司朝攜蘭省步夕退竹林期中路一分
手數載來何遲求友還相得羣英復在茲留臺少人務
方駕遞尋追涉玩懷同賞霑芳憶共持迎賓南澗飲載
妓東城嬉春郊綠畝秀秋澗白雲滋名畫披人物良書
討滯疑興來光不惜歡往跡如遺歲晏罷行樂層城間
所思夜魂燈處厭朝髮鏡前衰忽枉崔駟什兼流韋孟
詞曲高彌寡和主善代為師齊戒觀華玉留連歎色綠
終慙起予者何足與言詩

附

酬光祿冬日述懷并序

韋嗣立

光祿崔卿公曠懷通識濟時良具負材器耽圖籍愛林
泉不遺琴詠門多長者善與人交僕忝臺閣早經聯事
雖幸揖風彩而不接殷勤崔公以雅道自居未嘗至偃
之室及僕積抱羸疾屢祈放退朝廷恩假職以優閒多
取急歸林服餌為事門堪羅雀庭見狎鷗崔公則多存
訪不避風雨方知向時跡也今晨情也蘭菊春秋自芳
竹柏歲寒無變僕敬之重之故不能忘也嘗談及詞翰

頗中倚擬忽枉贈章因以投報云爾

亭伯負高名羽儀稱上京
魏珠能燭乘秦壁許連城
六月飛將遠三冬學已精
洛陽推賈誼江夏貴黃瓊
推演中都術旋添河尹聲
累遷登御府移拜踐名卿
庭聚歌鐘麗門羅棨戟
榮鸚鵡孟飛廣席獸火列
前楹散誕林園意殷勤
敬愛情無容抱衰疾良宴
再招迎契得心逾重言忘
道益真相勗忠義節共談
詞賦英雕蟲曾靡棄白鳳
已先鳴光接神愈駭音來
咏不成短歌甘自惡鴻藻

跡難清東里方希潤西河敢竊明厚誣空見迫喪德豈
無誠端守宮闈地寒煙朝暮平顧才無術淺懷器識憂
盈月下對盈闕風前聞夜更昌年雖共偶歡會此難并
為憐漳浦曲沉痾有劉楨

附

同光祿弟冬日述懷韋祭酒張左丞二公並廊
廟偉才朝廷舊相咸光首和殊為佳作輒繼陽
春深增愧悚

崔泰之

吾族白眉良才華動洛陽觀光初入仕應宿始為郎飛

螢玩書籍白鳳吐文章海卿逾往雅河尹冠前張擇才
綏陽郢殊化被江湘高樓臨廣陌甲第敞通莊別館印
山下疏亭洛水旁昌年豐賞陌暇日悅林塘衣冠皆秀
彥羅綺盡名倡隔岸聞歌度臨池見舞行門庭寒變色
榮戟自生光窮陰方靄靄殺氣正蒼茫感時興盛作晚
歲共多傷積德韋丞相通神張子房東草編簪紱逸韻
合宮商功名留守省濫迹在文昌家園遙可見臺寺近
相望無庸乘侍謁有暇共翱翔棣華依雁序竹葉拂鸞

觴水坐憐秋月山行弄晚芳
恩榮慙服冕友愛最垂堂
無由報天德相顧詠時康

附
桐竹

李伯魚

北竹青桐北南家綠竹南
竹林君早愛桐樹我初貪
鳳棲桐不愧鳳食竹何慙
棲食更如此餘非鳳所堪

答李伯魚桐竹

結廬桐竹下室邇人相深
接垣分竹逕隔戶共桐陰
落花朝滿岸明月夜披林
竹有龍鳴管桐留鳳舞琴
奇聲

與高節非君誰賞心

和魏僕射還鄉

富貴還鄉國光輝滿舊林
秋風樹不靜君子歎何深
故老空懸劍鄰交自散金
衆芳搖落盡獨有歲寒心

和張監觀赦

日御臨雙闕天街儼百神
雷舒作解氣歲復建寅春
喜候開星驛歡聲發市人
金環能作賦來入管絃新

和張監遊終南

宿懷終南意及此語雲峯夜聞竹澗靜曉望林巔重春
煙生古石時鳥戲幽松豈無山中賞但畏心莫從

和朱使欣道峽似巫山之作

江如曉天靜石似暮雲張征帆一流覽宛若巫山陽楚
客思歸路秦人謫異鄉猿鳴孤月夜再使淚霑裳

和朱使欣二首

南土多為寇西江盡畏途山行阻篁竹水宿礙荊蒲
使越才應有征蠻力豈無空傳人贈劍不見虎銜珠

江勢連山遠天涯此夜愁霜空極天靜寒月帶江流思
起南征棹文高北望樓自憐如墜葉汎汎侶仙舟

同趙侍御巴陵早春作

江上春來早可觀巧將春物妬餘寒水苔共繞留烏石
花鳥爭開闔鴨欄佩勝芳辰日漸暖然燈美夜月初圓
意隨北雁雲飛去不待南州蕙草殘

附
乾湖作 并序

趙冬曦

巴丘南澨湖者蓋沅湘澧汨之餘波焉茲水也淪匯洞

庭澹澹千里夏潦奔注則沃為此湖冬霜既零則涸若
平野按爾雅雲水返入為澨斯名之作有由焉爾而此
鄉炎暑十月草生彌望青青相與遊籍豈盈虛之可歎
亦風景之多傷感物增懷因書其事

三湖返入兩山間畜作澨湖灣復灣暑雨奔流潭正滿
微霜及潦水初還水還波卷溪潭洶綠草芊芊岼嶸乍
適來揮棹共回旋已復揚鞭恣行樂道旁耆老步蹢躅
楚言茲事不知年試就湖邊披草徑莫疑東海變桑田

君訝今時盡陵陸
我看明歲更淪連
來今自昔無終始
人事迴環恒若是
應思闕下聲華日
誰謂江潭旅遊子
初真正喜固當然
往蹇來譽宜可俟
盈虛用舍輪與旋
勿學靈均遠問天

同趙侍御乾湖作

江南湖水咽山川
春江溢入共湖連
氣色紛淪橫罩海
波濤鼓怒上漫天
鱗宗殼族嬉為府
弋叟眾師利焉聚
鼓帆側拖弄風口
赴險臨深遶灣浦
一灣一浦悵迴迴

千曲千澁恍迷哉乍見靈妃含笑徃復聞遊女怨歌來
暑米寒徃運洄狀潭生水落移陵谷雲間墜翮散泥沙
波上浮查棲樹木昨暮飛霜下北津今朝行鴈度南濱
處處溝洫清源竭年年舊葦白頭新天地盈虛尚難保
人間倚伏何須道秋月晶晶汎澄瀾冬景青青步纖草
念君宿昔觀物變安得踟躕不衰老

同趙侍御望歸舟

山亭迴迴面長川江樹重重極遠煙形影相追高翥鳥

心腸併斷北飛船

遙同蔡起居偃松篇

清都衆木總榮芬傳道孤松最出羣名接天庭長景色
氣連宮闕借氛氲懸池的的停華露偃盖重重拂瑞雲
不借流膏助仙鼎願將楨幹捧明君莫比冥靈楚南樹
朽老江邊代不聞

同劉給事城南宴集

水竹幽閒地簪纓近侍臣雍容乘暇日瀟洒出囂塵樹

定思朋鳥池深入養鱗管絃高逐吹歌舞妙含春老子
叨專席懽遊隔縉紳此中情不淺遙寄賞心人

出湖寄趙冬曦二首

西泛平湖盡參差入斷山東瞻岳陽郡汗漫太虛間窘
步同行樂道文互屢看山戍上雲桂江亭臨水關

川途倏忽間風景依如昨湘浦未賜環荆門猶主諾何
時與美人載酒遊宛洛

寄姚司馬

共君春種瓜本期清夏暑瓜成人已去失望將誰語
露滴香園感味懷心許偶逢西風便因之寄鄂渚

寄許八

萬類春皆樂徂顏獨不怡
年來人更老花發意先衰
乳鵲穿壇畫巢蜂觸網絲
平生美容色宿昔影中疑
遠道何由夢同心在者誰
西風欲誰語憫默遂無詞

代書荅姜七崔九

婀娜金闕樹離披野田草
雖殊兩地榮幸共三春
好花

殊鳥飛處葉鏤蟲行道真心獨感人惆悵令人老

代書寄吉十一

一鴈雪上飛值我衡陽道口銜離別字遠寄當歸草目
想春來遲心驚寒去早憶鄉來羽翮慕侶盈懷抱零落
荅故人將隨江樹老

代書寄薛四

孤鴈東飛來寄我紋與素紋足經三象素當綜羣務遠
見故人心一言重千金荅之綵毛翰繼以瑤華音歲寒

衆木改松柏心常在

寄天台司馬道士

世上求真客天台去不還傳聞有仙要夢寐在茲山朱
闕青霞斷瑤堂紫月閒何時枉飛鶴笙吹接人間

寄劉道士寫

真人降紫氣邀我丹田宮遠寄雙飛鳥鳥飛不礙空

書香能和尚塔

大師捐世去空餘法力在遠寄無礙香心隨到南海

張燕公集卷七

欽定四庫全書

張燕公集卷八

唐 張說 撰

律詩

被使在蜀

即今三伏盡尚自在臨邛歸途千里外秋月定相逢

正朝摘梅

蜀地寒猶暖正朝發早梅偏驚萬里客已復一年來

蜀道後期

客心爭日月來往預期程秋風不相待先至洛陽城

過蜀道山

我行春三月山中百花開披林入峭壁攀蹬陟崔嵬白雲半峯起清江出峽來誰知高深意緬懷心幽哉

再使蜀道

眇眇葭萌道蒼蒼褒斜谷煙壑爭晦深雲山共重複古來風塵子同眩望鄉目芸閣有儒生輶車倦馳逐青春

客岷嶺白露搖江服歲月正羈孤山川長返覆魚遊戀
深水鳥遊戀喬木如何別親愛坐去文章國蟋蟀鳴戶
庭蠨蛸網琴筑

深渡驛

旅宿青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

古泉驛

於陵仲
子宅也

昔聞陵仲子守義辭三公身賃妻織屨樂亦在其中豈

無窮賤苦羞與傾巧同長白臨河上於陵濟入東我今
行至此感歎石泉空

下江南向夔州

天明江霧歇洲浦棹歌來綠水逶迤去青山相向開城
臨蜀帝祀雲接楚王臺舊知巫山上遊子共徘徊

江路憶郡

霧斂江早明星翻漢將沒卧聞峽猿響起視榜人發倚
棹攀岸條憑船弄波月水宿厭洲渚晨光屢揮忽林澤

來不窮煙波去無歇結思笙竽里遙情遊俠窟年貌不
暫留歡愉及玄髮雲消戀山海禽鳥懷燕越自非行役
人安知慕城闕

廣州江中作

去國歲方晏愁心轉不堪離人與江水終日向西南
江中誦經

實相歸懸解虛心暗在通澄江明月內應是色成空

江中遇黃領子劉隆

危石江中起孤雲嶺上還相逢皆得意何處是鄉關

却歸在道中作

陳焦心息盡死意不期生何幸光華旦流人歸上京愁
將網共解眼與代俱明復是三階正還逢四海平誰能
定禮樂為國著功成

還至端州驛前與高六別處

舊館分江口悽然望落暉相逢傳旅舍臨別換征衣昔
寄山川是今傷人代非往來皆此路生死不同歸

喜渡嶺

東漢興唐歷南河復禹謨寧知瘴癘地生入帝皇州雷
雨蘇蟲蟄春陽放鳥鳩洄沿炎海畔登降閩山陬嶺路
分中夏川源得上流見花便獨笑看草即忘憂自始居
重譯天星已再周鄉關絕歸望親戚不相求棄杖枯還
植窮鱗涸更浮道消黃鶴去運啓白駒留江妾晨炊黍
津童夜濯舟盛明良可遇莫後洛城遊

過漢南城歎古墳

欽定四庫全書

張翥公集
卷八

四

舊國多陵墓荒涼無歲年
洶湧蔽平岡汨若波濤連上
世千金子潛卧九重泉
松柏剪無餘碑記滅罔傳葬於
不毛地咸謂楚先賢事盡情可識
使人心悵然

至尉氏

夕次阮公臺嘯歌臨爽塏
高名安足賴故物今皆改
吾兄昔茲邑遺愛稱良宰
桑中雉未飛屋上烏猶在
途逢舊吏城有仝寮案遠見
咸相迎拂館來欣待慈惠留
千室友于存四海始知魯衛間
優劣相懸倍

襄州景空寺顯融上人蘭若

高名出漢陰，禪閣跨香岑。
衆山皆圓繞，長川復迴臨。
雲峯曉空變，風木夜虛吟。
碧甃龍池滿，蒼松虎徑深。
舊知青巖憶，偏入杳冥心。
何由侶飛錫，從此脫朝簪。

四月一日過江赴荊州

春色沅湘盡，三年客始迴。
夏雲隨壯帆，全日過江來。
水漫荊門出，山平郢路開。
比肩羊叔子，千載豈多才。

襄陽路逢寒食

去年寒食洞庭波今年寒食襄陽路不辭着處尋山水
祇畏還家落春暮

巡邊在河北作二首

去年六月西河西今年六月北河北沙場磧路何為爾
重氣輕生知許國人生在世能幾時壯年征戰髮如絲
會待安邊報明主作頌封山也未遲

撫劍空餘勇彎弧遂無力老去事如何據鞍長歎息故
交索將盡後進稀相識獨憐未死心尚有寒松直

入海二首

乘桴入南海海曠不可臨茫茫失方面混沌如凝陰雲
山相去沒天地互浮沉萬里無涯際云何其廣深潮波
自盈縮安得會虛心

海上三神山逍遙集衆仙靈心豈不同變化無常金龍
伯殊人類一釣兩鰲懸金臺此淪沒玉真時播遷問子
勞何事江上泣經年隰中生紅草所美非美然

清遠江峽山寺

流落經荒外逍遙此梵宮雲峯吐月白石壁淡煙紅寶
塔靈僊湧懸龕造化功天香涵竹氣虛唄引松風簷牖
飛花入房廊激水通猿鳴知山靜魚戲辨江空靜默將
何貴所貴心境同

相州冬日早衙

城外宵鐘歇閨中曙火殘朝光曜庭雪宿凍聚池寒正
色臨廳事疑詞定筆端除苛囹圄息伐枳吏人寬河內
功猶淺淮陽疾未安鏡中星髮變頓使世情闌

相州北亭

曉霧南亭少風烟北院多山花迷徑路池水拂藤蘿萍
散魚時舞林幽鳥乍歌悠然白雲意乘興抱琴過

相州山池作

嘗懷謝公詠山水陶嘉月及此年華衰徒看衆花發觀
魚樂何在聽鳥情都歇星漢流不停蓬萊去難越鄴中
秋麥秀淇上春雲沒日見塵物空如何靜心闕

岳州作二首

水國生秋草離居再及瓜山川臨洞穴風日望長沙物
土南州異關河北信賒日昏聞鵲鳥地熱見脩蛇遠人
夢歸路瘦馬嘶去家正有江潭月徘徊戀九華

夜夢雲闕間從容簪履列朝遊洞庭上緬望京華絕潦
收江未清火退山更熱重欬視欲醉懣滿氣如噎器留
魚驚腥衣點蚊蠅血髮白思益壯心玄用彌拙冠劍日
苔蘚琴書坐廢撤唯有報恩字刻意長不滅

岳州行郡竹籬

山郡不溝郭荒居無翳壅愛人忠主利善守閉為勇苟
非小勤瘁安得期逸寵板築恐土疎襄城嫌役重藩柵
聊可固筠篁近易奉差池截浦沙繚遶緣隈隴矗似長
雲亘森如高戟聳預絕豺狼憂知免牛羊恐閭里寬矯
步捧藁咨踏踵始果遊處心終日成間拱

附

陪燕公行郡竹籬

趙冬曦

良臣乃國禎麾守去承明外戶人無閉浮江獸已行隨
來晉盜逸民化蜀風清郭郭徙彝典州閭荷德聲小人

被天渥流宅巴丘城所賴中和正優遊鑒與耕

荊州亭入朝

巫山雲雨峽湘水洞庭波九辨人猶擯三秋鴈始過旃
裘吳地盡髻薦楚言多不果朝宗願其如江漢何

岳州城西

水國何遼曠風波遂極天西江三汜合南浦二湖連危
堞臨清境煩憂暫豁然九圍觀掌內萬象閱眸前日去
長沙渚山橫雲夢田汀葭變秋色津樹入寒煙潛穴探

靈詭浮生揖聖仙
至人今不見迹滅事空傳

岳州山城

山城豐日暇閉戶見天心
東曠迎朝色西樓引夕陰
書觀千載近學靜二毛深
忽有南風至吹君堂上琴

奉和山城

郡館臨清掌閒局坐白雲
訟虛堂戶曙觀靜竹簷曛
懸榻迎賓下趨庭學禮聞
風傳琴上意遙向日華紛

岳州晚景

晚景寒鴉集秋聲海鴈歸水光浮日去霞彩映江飛洲
白蘆花吐園紅柿葉稀長沙卑濕地九月未成衣

遊洞庭湖湘二首

平湖曉望分仙矯氣氛氲鼓枻乘清渚尋峯弄白雲江
寒天一色日靜水重文樹坐參猿嘯沙行入鷺羣緣源
班篠密罨徑綠蘿紛洞穴傳虛應楓林覺自薰雙童有
靈藥願取獻明君

緬邈洞庭岫蔥蒙水霧色宛在太湖中可望不可即剖

竹守窮渚開門對奇域城池自縶籠纓綬為微纒靡日
不思往經時始願克飛棹越溟波維舟恣攀涉竄窳入
雲步崎嶇倚松息巖壇有鶴過壁宇無人識滴石香浮
溜垂崖靈草植玩幽輕霧阻討異忘曛逼寒沙際水平
霜樹籠煙直空宮聞莫覩地道窺難測此處學金丹何
人生羽翼誰傳九光要幾拜三仙職紫氣徒想像清潭
長眇默霓裳若有來覲我雲峯側

附

秋夜遊澧湖二首

并序

尹忭

燕公以蓋司馬初到趙侍御客馬聿理方舟嬉遊滢
壑覽山川之異探泉石之奇騁望崇朝留樽待月一
時之樂豈不盛歟賦詩者列之如左河間尹悉詞也
熊軾巴陵地鷁舟湘水潯江山與勢遠泉石自幽深杳
謁入蔓壑冥茫見道心超然無俗事情宴有空林

江上饒奇山巔羅雲水間風秋樹色雜苔古色文斑已
俗將千澹滢湖凡幾灣嬉遊竟不盡乘月泛舟還

前題二首

澧湖佳可遊既近復能幽林裏棲精舍山間轉去舟鴈
飛江月冷猿嘯野風秋不是迷鄉路尋奇處處留

坐嘯人事閒佳遊野情發山門送落照湖口望升月林
尋猿狖居水戲黿鼉穴朔風吹北鴈芳草亦云歇

前題二首

政理常多暇方舟此汴汭吹笙虛洞答舉櫂便風摧山
暗雲猶辨潭幽月稍來清溪無數曲未盡莫先迴

煙靄夕微蒙幽灣尚未窮艤舟待初月褰幌招遠風鶴

聲聒幽浦人火明暗叢東山雲壑意不謂爾來同

前題二首

遠水沉西日寒沙飛夜鷗平湖垂月滿飛棹接星流黃

葉鳴樓吹蒼葭掃暗洲願移滄浦賞歸待潁川遊

灣潭幽意深杳靄湧泉岑石痕秋水落嵐聚夕陽沉澄

澈天為底洲玄月作心青溪非大隱歸弄白雲潯

遊滄湖上寺

湖上奇峯積山中芳樹春何知絕世境來遇賞人心清

舊巖泉樂吻嚶鳥獸馴靜言觀聽裏萬法自成輪

附

前題

王琚

春山臨遠壑水木自幽清夙志懷微尚茲焉一放情雲
間聽弄鳥煙上摘初英地側方無悶逾知道思精

附

前題

趙冬曦

江外多山水招要步馬來琴將天籟合酒共鳥歌催巖
坐攀紅藥溪行愛綠苔所懷非此地遊望亦徘徊

附

汎洞庭

尹恣

風光浙瀝草中飄日采熒熒水上搖幸奉瀟湘雲壑意
山傍容與動仙橈

前題

平湖一望上連天秋景千尋下洞泉忽驚水上光華滿
疑是乘舟到日邊

澠湖山寺二首

空山寂歷道心生虛谷迢遙野鳥聲禪室從來塵外賞
香臺豈是世中情雲間東嶺千重出樹裏南湖一片明

若使巢由同此意不將蘿薜易簪纓

楚老遊山寺提攜觀畫壁揚袂指辟支睍眄相關閑險
哉透撞兒百金賭一擲成敗身自受傍人那歎惜

早霽南樓

山水佳新霽南樓翫初旭夜來枝半紅雨後洲全綠四
運相終始萬形紛代續適臨青草湖再變黃鸝曲地穴
穿東武江流下西蜀歌聞枉渚遭舞見長沙促心陋

闕

神和生自足白髮悲上春知常謝先欲

奉和早霽南樓

閒曙躋南樓凭軒四遐矚物華蕩暄氣春景媚晴旭川
霽湘山孤林芳楚郊縟列巖重疊翠遠岵逶迤綠風帆
摩天垠艇人散灣曲鴻宜鶴舞送猿叫鶯聲續羣動皆
熙熙噫予獨羈束常欽才子義問鵠傷蹇跼雅向騷人
文懷沙何迫促未知二賢意去矣徒前欲

奉陪登南樓

君子每垂眷江山共流眄遠水林外明近巖霧中見終

日西北望何處是京縣屢登春臺高徒使淚如霰

前題

危樓寫洞湖積水照城隅命駕邀漁父通家引鳳雛山
晴紅蒞西洲曉綠苗鋪舉目思鄉縣春光定不殊

附

前題

趙冬曦

寬慰何以歡陰氣亦登望孤島輕霧裏行舟白波上目
縈西北雲心醉東南象昔日青溪子胡然此無狀

前題

客來已兩春更瞻韶光早花鳥翫環合江山復駢抱樓
形寫壯潭堞勢凌青島白雲謝歸鴈馳懷洛陽道

別澠湖

念別澠湖去浮舟更一臨千峯出浪險萬木抱煙深南
郡延恩渥東山戀宿心露花香欲醉時鳥轉餘音涉趣
皆留賞無奇不遍尋莫言山水間幽意在鳴琴

附

奉和別澠湖

趙冬曦

南湖美泉石君子翫幽奇灣澳陪臨泛巖嵒共踐窺秋

風蘋桂疎春景綠楊垂郢路委分竹湘濱擁去麾枉帆
懷勝賞留景惜差池水木且不棄情遊良可知

巴丘春作

日出洞庭水春山掛斷霞江沔相映發卉木共紛華湘
戍南浮閣荆關北望賒湖陰窺魍魎丘勢辨巴蛇島戶
巢為館漁人艇作家自憐心問景三歲客長沙

石門墨山二山相連有禪堂觀天下絕境

困輪江上山近在華容縣常涉巴丘首天晴遙可見佳

遊屢前諾芳月愆幽眷及此符守移歡言臨道便既攜
賞心客復有送行掾竹徑入陰宵松崖上空蒨草共林
一色雲與峯萬變探窺石門斷緣越沙澗轉兩山勢爭
雄峯巘相顧盼藥妙靈仙寶境華巖壑選清都西淵絕
金地東敞宴池果接圍畦風煙迥臺殿高尋去石頂曠
覽天宇遍千山紛滿目百川壑對面騎來雲氣迎人去
鳥聲戀長揖桃源士舉世同企美

遊龍山靜勝寺

每上襄陽樓遙望龍山樹鬱鬱吐岡嶺微蒙在煙霧下
車歲已成飭馬問餘步霜苦衰野草愛日陽江煦雲對
石上塔風吹松下路禪室宴三空人祠同六趣兒童共
嬉謔猿鳥相驚顧南識桓公臺址辭先賢墓世上人何
在時聞心不住唯傳無盡燈可使有情悟

一柱觀

舊說江陵觀初疑神化來空中結雲閣綺靡隨風迴柰
何任一柱斯焉容衆材奇功非長世今餘草露臺

登九里臺

是楚樊
姬墓

楚國所以霸楚姬有力焉不懷沈尹祿誰諳叔敖賢萬
化茫無在孤墳獨歸然北分陽臺陌南識郢城阡漠漠
渚宮樹蒼蒼雲夢田登高形勝出訪古今名傳自我來
符守因君樹蕙荃詩書將變俗締續忽彌天志闡三折
后愁此二毛前佇立帝京路遙心寄此篇

懷王墓

伊嘵不可信似此敗懷王客死曉關路返葬岐江陽啼

狄抱山月饑孤獵野霜一聞懷沙事千載盡悲涼

庾信宅信

蘭成追宋玉舊宅偶詞人筆湧江山氣文驕雲雨神
包胥非救楚隨會返留秦獨有東陽守來嗟古樹春

張燕公集卷八

欽定四庫全書

張燕公集卷九

唐 張說 撰

雜詩

欽州守歲

故歲今宵盡新年明旦來
愁心隨斗柄東北望春迴

岳州守歲

除夜清罇滿寒庭燎火多
舞衣連臂拂醉坐合歡歌

至樂都忘我冥心自委和今年只如此來歲知如何
夜風吹醉舞庭戶對酣歌愁逐前年少歡迎今歲多
桃枝堪辟惡竹爆好驚眠歌罷留今夜猶言惜舊年

幽州新歲作

去歲荆南梅似雪今春薊北雪如梅共知人事何常定
且喜年華往復來邊鎮戍歌連夜動京城燎火徹明開
遙遙西向長安日願上南山壽一盃

元朝

元日今歲樂不謝往年春智向來心道誰為作夜人

耗磨日飲

耗磨傳茲日縱橫道未宜但令不忘醉翻是樂無為

前題

上月今朝減流傳耗磨辰還將不事事同醉俗中人

附

前題

趙冬曦

春來半月度俗忌一朝閒不酌他鄉酒無堪對楚山

晦日

晦日嫌春淺江浦看瀟衣道傍花欲合枝上鳥猶稀共
憶浮橋晚無人不醉歸寄書題此日鴈過洛陽飛

湘州九日城北亭子

西楚茱萸節南淮戲馬臺寧知洹水上復有菊花杯亭
帳憑高出親朋自遠來短歌將急景同使興情催

附

九日陪登高

陰行先

重陽初啟節無射正飛灰寂寞風蟬至連翩雙鴈來山
棠紅葉下岸菊紫花開今日桓公坐多愧孟嘉才

岳州九日宴道觀西閣

搖落長年歎蹉跎
遠宦心北風嘶代馬南
浦宿陽禽佳
此黃花酌懽餘
白首吟涼雲霾楚望濛
雨蔽荆岑登眺
思清景誰將眷濁陰
釣歌出江霧樵唱入山
林魚以嘉
名採木為美材
侵留為洞庭觀
望古意何深
大道由中
悟逍遙匪外尋
叅佐多君子
詞華妙賞音

九日進茱萸山詩

家居洛陽下
舉目見嵩山
刻作茱萸節
情生造化間

黃花宜泛酒青丘好登高稽首明庭內心為天下勞
菊酒攜山客萸囊繫牧童路疑隨大塊心似問鴻蒙
九日重陽數三秋萬寶成時來謁軒后罷去坐蓬瀛
晚節歡重九高山上五千醉中知遇聖夢裏見尋仙

春雨早雷

東北春風至飄飄帶雨來拂黃先變柳點素早驚梅樹
謁懸書閣煙含作賦臺河魚未上凍地蟄已聞雷美人
宵夢著金屏曙不開無緣一啓齒空酌萬年杯

聞雨二首

窮冬萬化匝永夜百憂攢危戍臨江火空齋入雨寒斷
猿知屢別嘶鴈覺虛彈心對爐灰死顏隨庭樹殘舊思
懷未報傾膽鏡中看

多雨絕塵事寥寥入太玄城陰疎復合簷滴斷還連念
我勞造化從來五十年悞將心徇物近得還自然閒居
草木侍虛室鬼神憐有時進美酒有時泛清絃聲真不
世識心醉豈言詮

夜坐

懷藏四壁時未有五都價
百金誰見許斗酒難為貫
落花生芳春孤月皎清夜
復逢利交客題戶遙相謝

岳州夜坐

炎洲苦三伏永日卧孤城
賴此閒庭夜蕭條夜月明
獨歌還太息幽感見餘聲
江邊鶴時叫山深猿屢鳴
息心觀有欲棄知返無名
五十知天命吾其達此生

山夜聽鐘

夜卧聞夜鐘夜靜山更響霜風吹寒月窈窕虛中上前
聲既春容後聲復晃盪聽之如可見尋之定無像信知
本際空徒掛生滅想

冬日見牧牛人擔青草歸

塞上棉應折江南草可結欲持梅嶺花遠競榆關雪日
月無私照山川何損別苟齊兩地心天問將何設

岳州觀競渡

畫作飛鳧艇雙雙競拂流炫裝山色變急棹水華浮土

尚三閭俗江傳二女遊齊歌迎孟姪獨舞送陽侯鼓發
南湖差標爭西驛樓並驅恒詫速非畏日光道

看黃葉

白首看黃葉徂顏復幾何空慚棠樹下不見政成歌

戲草樹

忽驚石榴樹遠出渡江來戲問芭蕉葉何愁心不開微
霜拂宮桂淒吹掃庭槐榮盛更如此慚君獨見哀

詠瓢

美酒酌懸瓢真淳好相映蝸房卷墮首鶴頸抽長柄雅
色素而黃虚心輕且勁豈無雕刻者貴此成天性

詠鏡

寶鏡如明月出自秦宮樣隱起雙盤龍銜珠儼相向常
恐君不察匣中委清量積翳掩花光虚心蔽塵狀儻蒙
羅袖拂先生玉臺上

詠塵

仙浦生羅襪神京染素衣裨山期益峻照日幸增輝夕

伴龍媒合朝隨鳳輦歸獨憐范甑下思遠畫梁飛

道家奉勅撰四首

金壇啟曙闡真氣肅微微落月銜仙寶初霞拂羽衣香
隨龍節下雲逐鳳簫飛暫往蓬萊戲千年始一歸

窈窕流精觀深沉紫翠庭金奩調上藥寶案讀仙經作
賦看神雨乘查辨客星祇應辨人俗輕舉託雲輶

金爐承道訣玉牒啟玄機雲逐笙歌度星隨宮殿飛乘
風嬉浩蕩窺月弄光輝惟有三山鶴應同千載歸

道記開中錄真官表上清梵香三鳥至鍊藥九仙成天
上靈書下空中妙妓迎迎來出煙霧渺渺戲蓬瀛

雜詩四首

抱薰心恒焦舉旆心恒搖天長地自久歡樂能幾朝君
看西陵樹歌舞為誰嬌

山間苦積雨水落悲時遽賞心凡幾人良辰在何處觸
石滿堂侈洒我終夕慮客鳥懷主人銜花未能去

剖珠貴分明琢玉思堅貞要君意如此終始莫相輕問

子青霞意何事留朱軒自言心遠俗未始迹辭暄過蒙
良時幸側息吏途煩簪纓非宿好文史弃前言夕卧北
窓下夢歸南山園白雲慙幽谷清風媿泉源十年茲賞
廢佳期今復存掛冠謝朝侶星駕別君門

默念羣疑起玄通百慮清初心滅陽艷復見湛虛明悟
滅心非盡求虛見後生應將無住法修到不成名

蜀路二首

雲埃夜澄郭山日曉晴鮮葉落滄江岸鴻飛白露天磷

磷含水石羃羃覆林煙客心久無緒秋風殊未然

徭蜀時未改別家鄉念盈憶昨出門日春風發鮮榮及茲
旋轉地秋風滿路生昏曉思魏闕夢寐還秦京秦京開朱
第魏闕垂紫纓幽獨玄虛閣不聞人馬聲藝業為君重
名位為君輕玉琴知調苦寶鏡照膽清鷹饑常啄腥鳳
饑亦待瓊於君自有屬物外豈能輕

惠文太子挽歌詞二首

碣館英靈在瑤山美諡尊剪珪悲曩戲攻玉愴新恩宮

仗專馳道朝儀送國門千秋穀門外明月照西園
梁國深文雅淮王愛道仙帝歡同宴日神奪上賓年
旒飛行樹帷宮宿野煙指言君愛弟揮淚滿山川

韋譙公挽歌二首

五瑞分王國雙珠映后家文飛書上鳳武結笥中蛇
出預榮前馬迴鸞喪後車袞衣將錫命泉路有光華
國騁雙騏驎庭儀兩鳳凰將星連相位玉樹伴金鄉
歌舞侯家艷軒裘戚里光安知杜陵下碑版已相望

右丞相挽歌詞二首

王宰丹青化春卿禮樂才緇衣傳舊職華袞贈新哀路
泣羣官送山嘶駟馬迴佳辰無白日賓閣有青苔

閭歌出野田冠帶寢窮泉萬事皆身外平生尚目前西
垣紮泥縛東岳白雲篇自惜同聲處從今遂絕絃

崔尚書挽詞

相宅龍坤寶承家占海封庭中男執鴈門外女乘龍鳴
玉遊三省擬金侍九重一朝賓客散留劍在青松

右常侍集賢院學士徐公挽歌二首

才美臨淄北名高淮海東羽儀二省遍漁獵五車同玉
殿孤新榜珠英落舊叢徒懸一寶劍何處訪徐公
歎息書林友才華天下選並賦三陽宮集詩集賢殿具
物衣如在吐嗟長不見既哀薤露詞豈忘平生眷

崔司業挽歌二首

海岱英靈氣膠庠禮樂資風流滿天下人物擅京師疾
起揚雄賦魂遊謝客詩從今好文主遺恨不同時

象設存華館威儀下墓田鳳池傷舊草麟史泣遺編帷
蓋墟煙沒千旌隴日懸古來埋玉樹流恨滿山川

李工部挽歌三首

錦帳為郎日金門待詔時楊宮先上賦栢殿幾聯詩瞬
息琴歌斷淒涼簫挽悲那堪灞陵岸迴首望京師

宅兆西陵上平生雅志從城臨丹闕近山望白雲重會
葬知元伯看碑識蔡邕無由接神理揮涕望青松

常時好賓客永日對絃歌是夕歸泉下傷心無奈何墓

庭人已散祭處鳥來過碑石生苔蘚榮名豈復多

贈工部尚書馮公挽詩三首

忠鯁難為事平生盡畏途如絃心自直秀木勢恒孤詔
葬南陵道神遷北斗樞貴門傳萬石餘慶在雙珠

爵位題龍旆威儀出鳳城路傍人泣送門外馬嘶迎萬
事非吾有千悲是世情昔焉稱夏日今也諡冬卿

窅然長夜臺舉世可哀哉泉戶一朝閉松風四面來石
碑填駁蘚珠服聚塵埃誰言遼東鶴千年往復迴

徐高御挽歌

蒲密遙千載鳴琴始一追公卿傳世範仁義續靈基不
待南遊祿何先北帝期玉棺從此閉金鼎代相欺

節義太子楊妃挽歌二首

西華三公族東闡五可才玉環初受慶金玦反逢災桂
殿花空落桐園月自回朝堂將暮雨長繞望思臺

昔日三朝路逶迤四望車綉腰長命綺隱髻連支花今
春戾園樹索然無歲華共傷千載後唯號一王家

河上公

尊師厭塵去精魄知何明形氣不復生弟子空傷情濟
北神如在淮南藥未成共期終莫遂寥落兩無名

傷妓人董氏四首

董氏嬌饒性多為窈窕名人隨秋月落韻入擣衣聲
粉蕊粘粧麝金花唱翠條夜臺無戲伴魂影向誰嬌
舊亭紅粉閣宿處白雲關春日雙飛去秋風獨不還
舞席沾殘粉歌梁委舊塵獨傷憲裏月不見帳中人

張燕公集卷九

欽定四庫全書

張燕公集卷十

唐 張說 撰

詩

鄴都引一首

君不見魏武草創爭天祿
羣雄睚眦相馳逐
畫攜壯士破堅陣
夜接詞人賦華屋
都邑繚繞西山陽
桑榆漫漫漳河曲
城郭為墟人改代
但見西園明月在
鄴傍高塚

多貴臣蛾眉曖曖共灰塵試上銅臺歌舞處唯有秋風
愁殺人

五君詠五首

達志美類刺異感義哀
事顏氏之心也擬焉

齊公生人表向天聞鶴唳清論早揣摩立心晚超詣入
相廊廟靜出軍沙漠霽見深呂祿憂舉後陳平計甘心
除君惡足以報先帝

許公信國楨克美具瞻情百事資朝問三章廣世程處
高心不有臨節自為名朱戶傳新戟青松拱舊塋淒涼

丞相府餘慶在立成

李公實神敏才華乃天授睦親何用心處貴不忘舊故
事遵臺閣新詩貫宇宙在人忠所奉惡我誠將宥南浦
去莫歸嗟嗟蔑孫秀

代公舉鵬翼懸飛磨海霧志康天地屯適與雲雷遇興
喪一言決安危萬心注大勲書王府窄命淪江路勢傾
吐夏門哀靡東平樹

耿公山岳靈才傑心亦妙驚鳥峻標立哀玉扣清調協

贊休明啟思華日月照何意瑤臺雲風吹落江徼湘流
下潯陽洒淚一投弔

離會曲

何處送客洛橋頭洛水汎汎中行舟可憐河樹葉菱蕤
關關河鳥聲相思街鼓喧喧日云夕去棹歸軒兩相迫
何人送客故人情故人今夜何處客

安樂郡主花燭行

青宮朱邸翊皇闈玉葉瓊蕤發紫微姬姜本來舅甥國

卜筮俱道鳳凰飛星昴殷冬獻吉日天桃穠李遙相匹
鸞輓風傳王子來龍樓月伴天孫出平臺火樹連上陽
紫炬紅輪十二行丹鑪飛鐵馳炎焰炎霞爍電吐明光
綵輶紺幃紛如霧節鼓清笳前啟路城隅靡靡稍東還
橋上鱗鱗轉南渡五方觀者聚中京四合塵煙漲洛城
商女香車珠結網天人寶馬玉繁纓百壺深酒千斤肉
大道連延障錦軸先祝聖年壽萬年復禱宜家承百祿
珊瑚刻盤青玉罇因之假道入梁園梁園山竹凝雲漢

仰望高樓在天半翠幕蘭堂蘇合薰珠簾掛戶水波紋
別起芙蓉織成帳金縷鴛鴦兩相向罽茵飾地承琬履
花燭分階移錦帳織女西垂隱燭臺雙童連縷合歡盃
藹藹綺庭嬪從列戔戔紅粉扇中開黃金兩印雙花綬
富貴婚姻古無有青歌棠棣美王姬流化邦人正夫婦

時樂鳥篇

并序

伏見天恩以靈異鸚鵡及熊延京所述篇出示朝列
臣按南海異物志有時樂鳥鳴云太平天下有道則

見驗其圖丹首紅臆朱冠綠翼鶯領文背糝以五色
今此鳥本南海貢來與鸚鵡狀同而毛尾全異其心
聰性辨護主報恩固非凡禽寶瑞經所謂時樂鳥延
京雖叙其事未正其名望編國史以彰聖瑞臣竊同
延京獻詩一首

舊傳南海出靈禽時樂名聞不可尋形貌乍同鸚鵡類
精神別稟鳳凰心千年待聖方輕舉萬里呈才無伴侶
紅茸糝綉好毛衣清吟嘔啞好言語內人試取御衣牽

卷十
啄手臆聲不許前心願陽烏恒保日志嫌陰鶴欲凌天
情玩訝良無已察圖果見祥經裏本持符瑞感明王
還用文章比君子自憐弱羽詎堪珍喜共華篇來示人
一見嚶嚶報恩鳥多慙碌碌具官臣

開元樂章十九首奉勅撰

迎神永和之樂三章

肅九室諧八音歌皇慕動神心禮宿設樂妙尋聲明備
裸奠臨律迓氣音入玄依玉几御黼筵聆愜息優周

旋九韶遍百福傳 信工祝永頌聲來祖考聽和平相
百辟貢九瀛神休安帝孝成

皇帝行太和之樂一章

時文聖后清廟肅雍致誠勤薦在貌思恭玉節肆夏金
鐃五鐘繩繩雲步穆穆天容

酌瓚登歌肅和之章

天子孝享工歌溥將躬裸鬱鬯乃熱膋鄉臬以達陰聲
以求陽奉時蒸嘗永代不忘

迎俎雍和之樂二章

每章八句

在滌嘉泰麗碑敬牲角握之壯色純之騁火傳陽燧水
溉陰精太公胖俎傳說和羹齋戒豐潔俎豆有馨亦
有和羹既戒既平鼓鐘管磬肅唱和鳴皇皇后祖來我
思成

酌獻用文舞一章

聖謨九德真言五千慶集昌胤符開帝先高文仗鉞克
配彼天三宗握鏡六合煥然帝其承祀率禮罔愆圖書

霧出日月清懸舞形德類詠念功傳黃龍蜿蜒綵雲蹁
躑五行氣順八佾風宣介此百福於皇萬年

宣皇帝室光大之舞一章

肅肅藝祖滔滔濬源有雄玉劍作鎮金門立王餘緒后
稷謀孫肇禋九廟四海來尊

光皇帝室長發之舞一章

具禮崇德備樂承風魏推幢主周贈司空不行而至無
成有終神興王業天歸帝功

金匱要略卷十
景皇帝室大政之舞一章

於赫元命權輿帝天天齊八柱地半三分宗廟觀德笙
鏞樂敷封唐之兆成天下君

元皇帝室大成之舞一章

帝舞季歷襲聖生昌后歌有嶠胎炎孕皇天地合德日
月齊光肅雍孝享祚我萬方

高祖神堯皇帝室大明之舞一章

赤精亂德四海困窮黃旗舉義三靈會同早望春雨雲

披大風溥天來祭高祖之功

太宗文武聖皇帝室崇德之舞一章

皇合一德朝宗百神削平天下大拯生民上帝配食單
于八臣戎歌陣舞旌旌震震

高宗天皇大帝室鈞天之舞一章

高皇邁道端拱無為化懷獯鬻兵戢句驪禮尊封禪樂
盛來儀合位媯后同稱伏羲

中宗孝和皇帝室大和之舞一章

退居江水鬱起丹陵禮物還舊朝章中興龍圖反及駿
命恭膺鳴球香瓚大禧是承

睿宗大聖真皇帝室景雲之舞一章

景雲霏爛告我帝符噫帝冲德與天為徒笙鏞遙遠俎
豆虛無春秋孝獻因復此都

皇帝受福酒胙福和之舞一章

備禮用樂崇親致尊誠通慈降敬徹愛存獻懷稱壽啐
感承恩皇帝孝德子孫千億大包天域長亘不極

送文舞迎武舞一章

六鐘翕協六變成八佾徜徉八風生樂九韶兮神人感
美七德兮天地清

亞終獻武舞凱安之樂四章

瑟彼瑤爵亞維上公室如屏氣門不容躬禮殷其本樂
執其中聖皇所慕天地幽通 禮匝三獻樂變九成降
修軒陞仰歆皇情福與神合德因孝明百年神畏四海
風行 總總千戚填填鼓鐘奮揚增氣坐作為容離若

鷙鳥合如戰龍萬方觀德肅肅雍雍 烈祖順三靈文
宗威四海黃鉞誅羣盜朱旗掃多罪戢兵天下安約法
人心改大哉干羽意長見風雨在

徹豆登歌一章

止笙磬徹豆籩廓無響宵無文主在室神在天情餘慕
禮罔愆嘉黍稷屢豐年

送神一章

眇嘉樂援靈爽感若來思如往休氣息迴風上返寂寞

還惚恍懷虛駕結空想

贈崔二安平公樂世詞一首

十五紅粧侍綺樓
朝承握槊夜藏鈎
君臣一意金門寵
兄弟雙飛玉殿遊
寧知宿昔恩華樂
變作瀟湘離別愁
地濕莓苔生舞袖
江聲怨嘆入箜篌
自憐京北雙眉嫵
會待南來五馬留

十五日夜御前口號踏歌詞二首

花萼樓前雨露新
長安城裏太平人
龍銜火樹千燈艷

雞上蓮花萬歲春

帝宮三五戲春臺行雨流風莫妬來西域燈輪千影合

東華金闕萬重開

蘇摩遮五首

為寶家作

摩遮本出海西湖琉璃百服紫髯聞道皇恩遍宇宙

來將歌舞助歡娛

億歲樂

繡裝帕額寶花冠夷歌騎舞借人看自能激水成陰氣

不慮今年寒不寒

億歲樂

臘月凝陰積帝臺齊歌急鼓送寒來
油囊取得天河水

將添上壽萬年杯

億歲樂

寒氣宜人最可憐
故將寒水散庭前
惟願聖君無限壽

長取新年續舊年

億歲樂

昭成皇后之家親
榮樂諸人不比人
往日霜前花委地

今年雪後樹逢春

億歲樂

破陣樂詞二首

六言

漢兵出頓金徽照日明
光鐵衣百里火燐燐
燐燐千行雲

騎駢駢盛踏遼河自竭鼓噪燕山可飛正屬西方朝駕
端知萬舞皇威

少年膽氣凌雲共許驍雄出羣足馬城南挑戰單刀薊
北從軍一鼓鮮卑送款五餌單于解紛誓欲成名報國
羞將開口論勲

舞馬詞六首

六言

萬王朝宗鳳宸千金率舞龍媒酌鼓凝驕蹀躞聽歌弄

影徘徊

聖代昇
平樂

天鹿遙徵衛叔日龍上借羲和將共兩驂爭舞來隨八

駿齊歌

聖代昇
平樂

綵旄八佾成行時龍五色因方屈膝御杯赴節傾心獻

壽無疆

四海和
平樂

帝皂龍駒沛艾星蘭驥子權奇騰倚驤洋應節繁驕接

跡不移

四海和
平樂

二聖光天合德羣靈率土可封繫石驂驪紫鷺擬金願

步蒼龍

四海和
平樂

聖君出震應籙神馬浮河獻圖足踏天庭鼓舞心將帝

樂跕躑

四海和平樂

舞馬千秋萬歲樂府詞三首

金天誕聖千秋節玉醴還分萬壽觴
試聽紫駟歌樂府何如騶驥舞華岡
連騫勢出魚龍變躑躅生鳥獸行
歲歲相傳指樹日翩翩來伴慶雲翔

聖皇至德與天齊天馬來儀自海西
腕足徐行拜兩膝繁驕不進踏千蹄
髣髴奮鬣時躑躅鼓怒驤身忽上躋

更有御杯終宴曲垂頭驛尾醉如泥

遠聽明君愛逸才玉鞭金翅引龍媒不應茲白人間有
定是飛黃天上来影弄日華相照耀噴含雲色且徘徊
莫言闕下桃花舞別有河中蘭葉開

張燕公集卷十